

IBILGAILUAK ESPALOIETAN BARNA SARTZEKO ETA EREMU PUBLIKOA APARKALEKU ESKLUSIBORAKO EDO EDOZEIN MOTATAKO SALGAIEN ZAMALANETARAKO ERRESERBATZEKO TASAK ARAUTZEN DITUEN ORDENANTZA

2002ko otsailaren 27ko 25. NAOn argitaratua

1. artikulua. Ordenantza hau honako lege testuen babespean ezarri da: Nafarroako Toki Administrazioari buruzko uztailaren 2ko 6/1990 Foru Legearen 122. artikulua, urriaren 18ko 280/1990 Foru Dekretuaren bidez onartutako Nafarroako Toki Entitateen Ondasunei buruzko Erregelamenduko 93-96 artikulua, eta 4/1999 Foru Legeak aldatu zuen Nafarroako Toki Ogasunei buruzko martxoaren 10eko 2/1995 Foru Legearen 100. artikulua eta hurrengoak.

2. art. Zergaia eremu publiko edo erabilera publikoko lurretan honako aprobetxamendu hauek egitea da:

a) Erabilera pribatuko eraikin eta orubeetan 2 gurpil edo gehiagoko ibilgailu eta gurdiendako sarrera edo pasabidea, sestra aldaketa eginez nahiz gabe.

3. art. Ordaintzera beharturik daude:

a) Udal lizentzien titular diren pertsona natural edo juridikoak.

b) Ibilgailuendako sarrera eta pasabideak zer eraikinetan ezarri diren, haien jabeak.

c) Ordenantza honen 2. artikuluko b) eta c) ataletan emandako aprobetxamenduen onuradun diren erakunde edo norbanakoak.

4. art. Ordenantza honen tasen zenbatekoa finkatzeko erreferentziatzat hartuko da ordenantzaz aipatzen diren aprobetxamendu bereziak egiteko beharrezkoa den espaloia edota eremu publikoaren erreserbaren azalera, eranskinean xedatutakoarekin bat.

5. art. Halako pertsona, entitate publiko edo pribatu batzuk ez dira behartuak egonen tasa hauek ordaintzera baldin eta Udalbatzak, osoko bilkuran hartutako erabakiaren bidez, deklaratzeko badu horiek eskaintzen dituzten zerbitzuak mesedegarriak direla komunitatearentzat.

6. art. 1. Erabilera pribatiboak edo aprobetxamendu bereziak udal jabari publikoaren suntsiketa edo narriadura ekar dezaketenean, onuraduna aipatu horiek berreraiki edo konpontzeko gastuen kostua ordaintzera beharturik dago, bai eta aurretik zenbateko hori gordailutako uztera ere, dagokion tasa ordaindu beharra kendu gabe.

2. Kalteak konponezinak badira, suntsitutako ondasunek zenbat balio duten edo kaltetutako baliogalera norainokoa den, horrenbertze emanen dio ordainetan toki entitateari.

Toki entitateak ez ditu inolaz ere barkatuko artikuluko honek aipatzen dituen kalteordainak eta diru itzulerak.

7. art. Tasa ordaindu beharra aprobetxamendua ematen denean sortzen da, edo aprobetxamendua hasten denetik, baimenik gabe hasten bada.

Hala ere, toki entitateak aprobetxamenduari dagokion zenbateko osoa edo horren zati bat eskatzen ahalko du aurretik.

8. art. 1. Espaloian barna ibilgailuak sartu ahal izateko obrak egin behar eta horien ondorioz zoladuran mugimendu egin beharra baldin badago, aldi berean pasabidea egiteko lizentzia eskatuko da.

2. Pasabidearen lizentzia emateko baldintzak izanen dira, horren ondorioei dagokienez, pasatzeko baimena izatea, tasak ordaintzea eta gordailuaren sarrera egitea.

3. Indarra duen arautegia edo lizentziaren baldintzak ez betetzeagatik ezartzen diren zehapenak ordaintzeko xedea ematen ahal zaio gordailuari.

9. art. Lizentziaren titularrak aprobetxamendua bukatu eta gero zentsuan baja ematera beharturik daude eta, behar izanez gero, Udalak utzitako diskoak itzultzera eta espaloia eta zintarria zeuden bezalaxe uztera. Horrela egiten ez bada, aprobetxamenduak segida duela ulertuko da harik eta espaloia eta zintarria zeuden bezala utzi eta diskoak itzuli arte.

10. art. Halako egoitza edo leku batean pasabide lizentziarik gabe aprobetxamendu hori egiten badute, Udalaren Ikuskaritza Zerbitzuek eta Udaltzaingoak horren berri emanen diote beti ere Udalari.

11. art. Iruzurtzat hartuko da behar den baimenik eskatu gabe aprobetxamendua egitea.

12. art. Gainerako arau-hausteei dagokienez eta zehapenekin ikustekoa duten afera orotan, Ordenantza Fiskal Orokorrean xedatutakoari jarraikiko zaio edo, bidezko denean, Nafarroako Toki Ogasunei buruzko martxoaren 10eko 2/95 Foru Legeari eta horrekin bat heldu diren arauari.

AZKEN XEDAPENAK

Lehenbizikoa.-Ordenantza honetan jasotzen ez den orotan, Ordenantza Fiskal Orokorrean eta Nafarroako Toki Ogasunei buruzko martxoaren 10eko 2/1995 Foru Legean xedatutakoa aplikatuko da.

Bigarrena.-Ordenantza honek bere testu osoa Nafarroako ALDIZKARI OFIZIALEAN argitaratzen denean indarra hartu eta erabateko eragin juridikoa sortuko du.

TARIFEN ERANSKINA

2025eko martxoaren 4ko 43. NA On argitaratua

I. epigrafea.-Ibilgailuen pasabidea.

Pasabideak: 60 euro, urte osorako.

Urtean altak eta bajak baldin badaude, tasak hainbanatu egingen dira, kontuan izanik pasabidea zenbat hilabetetan erabili den.

Pasabideko plaka erosi eta jartzea, eta pintatzea: 70 euro bakoitza.

2025EKO MARTXOAREN 4AN EGUNERATUA